

Aidilfitri Keluarga Malaysia di Tokyo

Mei 25, 2022 @ 10:07pm



Ismail Sabri bersama isteri, Datin Seri Muhaini Zainal Abidin hadir pada Majlis Hari Raya Aidilfitri Keluarga Malaysia di Jepun, malam ini. - Foto BERNAMA

TOKYO: Sempena kehadiranannya di ibu negara Jepun, Perdana Menteri, Datuk Seri Ismail Sabri Yaakob pada Rabu meraikan kira-kira 200 tetamu, termasuk rakyat Malaysia yang menetap di Jepun, pada sambutan Hari Raya bersama Keluarga Malaysia.

Pada majlis itu, Perdana Menteri dan isteri, Datin Seri Muhaini Zainal Abidin menyantuni tetamu serta bergambar dengan mereka.

Ismail Sabri berada di Tokyo selama enam hari bermula Isnin lalu bagi mengadakan lawatan kerja rasmi sulungnya ke Jepun, sejak memegang jawatan Perdana Menteri pada Ogos 2021.

Ismail Sabri dijadualkan mengadakan pertemuan dengan rakan sejawatnya Fumio Kishida, yang memegang jawatan itu Oktober lalu, pada Jumaat ini.

Ismail Sabri juga akan menyampaikan ucapan pada Persidangan ke-27 Nikkei Future of Asia pada Khamis. – BERNAMA